

Cov Ntsiab Lus Tseem Ceeb Ntsig Txog Metro Transit Daim Qauv Khiav Tsheb Npav Mus Los

Phiaj Xwm TxhimTxhim Kho

Ncauj Lus

Kev muaj tsheb npav khiav mus los cuag ncau yog ib qho tseem ceeb ntawm kev thauj neeg mus los tau zoo nyob hauv Minneapolis-St. Paul thaj chaw nroog loj tseem ceeb. Tsheb npav yuav muaj cov tsheb npav khiav mus los rau hauv cov kev nyob ib cheeb tsam uas nres tuab ntws, thiab tseem muaj cov tsheb npav khiav cev txuam nrog cov khiav tej chaw muaj tsheb uas nres tsis tshua tuab (txoj kev loj tseem ceeb BRT), thiab txoj kev khiav ceev heev uas tso rau khiav tsheb thaum sawv ntxov thiab yav tsaus ntuj lub caij maj rawm, tsuas nres tsawg zaub xwb.

Metro Transit Daim Qauv *Phiaj Xwm TxhimTxhim Kho Kev Khiav Tsheb Npav Mus Los* (Draft SIP) txhim los ntawm cov kev uas tsheb npav khiav yav dhau los thiab txheeb xyuas txog seb puas ntxiv tau khiav txoj kev tshiab kom muaj tsheb khiav ntau ntxiv thiab pab ntxiv rau txoj kev qub kom mus txog xyoo 2030. Qhov phiaj xwm no muaj *Thrive MSP 2040* cov hom phiaj thiab cov cai tseem ceeb, lub homphiaj Kev Npaj Txoj Cai Tswjfwim Kev Khiav Tsheb Mus Los xyoo 2040 thiab yam xav ua, kev npaj hloov pauv cov kev tseem ceeb yuav pab ua rau muaj kev txhim kho zoo zuj zus ntxiv thiab yuav tsum muaj pob nyiaj los pab txhawb ntxiv. Lub hom phiaj yog suav txog kev tswj xyuas kev khiav tsheb mus los, kev nyab xeeb thiab kev ruaj ntseg, kev mus los kom tau raws li siab xav, kev sib tw nrhiav noj nrhiav haus, kev zoo rau huab cua ib ncig puav vij thiab kev nqis peev txhim kho kev khiav tsheb mus los thiab qhia txog kev siv av. Kev txhim kho kev khiav tsheb npav mus los yuav tsum los ntawm Metro Transit lossis cov tuam txhab ntiag tug raws li tsab ntawv cog lus rau Xab Pha Hauv Lub Nroog (Metropolitan Council).

Daim Qauv SIP tau npaj yam tshiab lossis txhim kho cov tsheb khiav mus los hauv ib cheeb tsam thiab cov tsheb npav khiav ceev nyob hauv thaj tsam ntawm Metro Transit thiab muab los ua phiaj xwm lawm tabsis tsis muaj peev los ntawm txoj kev loj tseem ceeb BRT. Txoj kev loj tseem ceeb BRT muaj nyob rau hauv txoj phiaj xwm txij thaum tseem tsis hais txog pob nyiaj pab txhawb ntxiv. Kev txhim kho txoj kev tsheb ciav hlau loj, tsheb ciav hlau sib thiab txoj kev loj BRT tsis muaj nyob rau Daim Qauv SIP vim yog ib cheeb tsam phiaj xwm mus ntev tau npaj ua ntxiv thiab txav mus rau ib cheeb tsam qhov txhia chaw ntawm cov kev khiav mus los raws li tau piav qhia rau hauv Hom Kev Npaj Txoj Cai Tswjfwim Kev Khiav Tsheb Mus Los (TPP). Txawm lics losxij, kev txhim kho kom muaj tsheb npav khiav mus los sib cuag ncau yuav pab txhawb rau cov hauj lwm raws li hais los no. Daim Qauv SIP no tsis yog yuav txhim kho kom feem khiav tsheb mus los kom tiav lossis nqis peev raws li phiaj xwm teev tseg. Nws tsis muaj nyob rau hauv cov nroog sab nrauv Metro Transit thaj chaw khiav tsheb thiab tsis muaj feem nrog cov nyiaj nqis peev (cov tsheb, cov neeg siv thiab yam pab kev yoojyim, kev txhim kho cov tevnauslauszis kom zoo tuaj thiab lwm yam).

Metro Transit yog ib ntawm tsib lub tuam txhab khiav tsheb mus los loj tshaj plaws nyob hauv Lub Nroog Twin Cities. Txoj cai TPP yuav tsum kom txhua lub tuam txhab khiav tsheb mus los txhim kho nws tus kheej li SIP, thiab ua haujlwm uake rau cov haujlwm txhim kho no thaum cov xyoo xub thawj ntawm txhua txoj haujlwm npaj SIP rau hauv Ib Cheeb Tsam Phiaj Xwm Txhim Kho Kev Khiav Tsheb Mus Los (RSIP). RSIP yog npaj plaub txog tsib xyoo los qhuab qhia txog kev txhim kho kev khiav tsheb mus los rau txhua lub tuam txhab khiav tsheb mus los nyob hauv ib cheeb tsam thiab tseem yuav txhim kho dua tshiab mus ntxiv rau xyoo 2015.

Kev Muaj Feem Thaum Ntxov thiab Kev Koom Tes Ntawm Pej Xeem

Metro Transit tau sib sau cov tswv yim los ntawm kev muaj feem thaum ntxov thiab los ntawm cov pej xeem txog kev feem txhim kho cov kev pabcuam kom mus raws li lub zej zos qhov xav tau kev khiav tsheb mus los. Cov rooj ncauj lus sib tham hauv lub qab xyoo 2013 ua rau cov thawj coj ntawm lub zos tau los sib koom tes txheeb xyuas txog yam tseem ceeb uas yuav tau txhim kho rau ntawm feem kev khiav tsheb mus los ntawm lub zos. Ntxiv rau qhov no, qhov kev tshawb fawb tau nug txog cov neeg teb rau feem kev txheeb xyuas kev khiav tsheb npav mus los uas ua rau lawv tau caij tsheb ntau, qhia txog yam lawv xav tau ntawm kev khiav tsheb mus los thiab lawv yuav nqis peev lcas txhawb rau kev txhim kho feem kev khiav tsheb mus los kom tau zoo ntxiv yog muaj kob nyiaj los pab txhawb. Muaj cov neeg koom tes uake thiab cov neeg pej xeem ze txog 40,000 lej tau los teb rau qhov kev tshawb fawb no. Thaum ua qhov kev tshawb fawb no, Metro Transit cov neeg ua haujlwm

Tau mob siab mloog cov tswv yim taw qhia los ntawm cov neeg sawv cev. Cov lus taw qhia tseem ceeb los ntawm qhov kev tshawb fawb no muaj xws li:

- Feem ntau muaj kev pom zoo pab txhawb kom txhim muaj tsheb npav khiav mus los ntau ntxiv thiaj yuav pab rau cov neeg uas taug kev mus los. Ib txwm, nws yog qhov kev xav kom muaj kev txhim kho zoo rau feem khiav tsheb yav dhau los nyob hauv thaj chaw uas tsheb khiav mus los txog thiab txav mus rau lwm thaj chaw uas tam sim no tsis muaj tsheb khiav mus los.
- Feem ntau ntawm cov neeg teb rau qhov kev tshawb fawb nyiam khiav tsheb mus los tshaj thiab yuav nquag caij tsheb dua yog tej chaw khiav tsheb mus los raug kho zoo.
- Thaum tsav tsheb rau tus neeg qhua, qhov kev xaiv tseem ceeb tshaj plaws yog qhov sib txawv ntawm lub sijhawm khiav kev mus los ntawm kev tsav tsheb thiab kev hla mus los. Feem ntsig txog kev siv tsheb, xws li cov nqi thiab qhov muaj chaw nres tsheb thiab cov nqi roj tsheb yog qhov tseem ceeb.

Lus Taw Qhia Txog Cov Cai Tseem Ceeb

Metro Transit tau teeb cov rooj sib tham thiab qhov kev tshawb fawb txog cov lus taw qhia rau txoj cai tswjfw m nrog rau lub homphiaj thiab yam tseem ceeb ntawm kev khiav tsheb mus los, thiab tau txheeb xyuas txog xya txoj cai tseem ceeb rau hauv qhov txheej txheem txhim kho SIP:

- Ua kom cov neeg caij tsheb coob zuj zus
- Npaj kom ua tau zoo tshaj plaws thiab/lossis txo cov nyiaj pab txhawb kom tsawg
- Pab kom kev khiav tsheb mus los txog sai
- Pab ua kom kev khiav tsheb mus los sib txuas tau zoo
- Pab txhawb kev tawm qauv thiab siv cov av ua kev khiav mus los kom zoo
- Txhim kom muaj kev saib xyuas thaum tsis muaj neeg khiav tsheb ntau thiab thaum tsis yog khiav tsheb mus ua haujlwm
- Txhim kho kev khiav tsheb mus los kom ncaj ncees

Lub Tswv Yim Txheeb Xyuas Txoj Haujlwm

Metro Transit siv ntau yam tswm yim coj los txhim kho kev khiav tsheb npav mus los. Cov tswv yim no tau los ntawm kev teb rau hauv qhov kev tshawb fawb, feem kev xav tau ntawm kev taug kev mus los ntawm qhov kev tshawb fawb ntawm chaw mus rau tom qhov chaw yuav mus, cov tswv yim los ntawm TPP, Thrive MSP 2040 thiab kev txhim ua kom muaj kev khiav mus los ntau ntxiv, cov neeg khiav tsheb cov kev thov uas tau xa mus rau tom Metro Transit Feem Saib Xyuas Cov Neeg Qhua thiab qhov muaj

dhau los ntawm RSIP. Cov kws paub ua haujlwm cov tswv yim, uas tau los ntawm cov neeg sawv cev ntawm Lub Chaw Transit, thiab cov lus taw qhia los ntawm lwm txoj haujlwm ntawm lwm cheeb tsam (Thrive MSP 2040, TPP, feem kev tshawb fawb) los kuj yuav raug coj los saib xyuas thiab txiav txim.

Metro Transit cov neeg ua haujlwm tau xaiv cov tswv yim coj los kho rau feem kev txhim kho ntawm txoj kev tsheb npav khiav mus los, npaj peev nyiaj uas yuav tau siv coj los rau txhua qhov kev txhim kho (xws li cov sijhawm khiav tsheb, thaum muaj tsheb npav ntau tshaj plaws), thiab tau kwv yees txog cov neeg tshiab uas yuav caij tsheb ntawm txhua txoj kev raug txhim kho.

Hom Txhim Kho Kev Khiav Tsheb

Tau npaj nqis tes ua cov haujlwm no rau peb ncuaj sijhawm raws li qhov kev tswj xyuas lossis kev tshwj tseg kom tsis pub muaj tsheb khiav ntau, feem kev dhau los lossis yav tom ntej thiab kev sib koom tes nrog kev ua txoj kev tsheb khiav mus los: 2015-2017, 2018-2020 lossis 2021-2030. Tsib hom tsheb npav khiav mus los uas raug txheeb xyuas txhim kho muaj xws li: khiav mus rau thaj chaw tshiab, nthuav txav kev khiav tseb kom dav dua qub, muaj tsheb khiav mus los tuab dua qub, siv lub sijhawm khiav tsheb tau ceev dua qub thiab hloov kev khiav tsheb tom tsev mus rau tom qhov chaw ua haujlwm. Qhov kev hloov pauv ntawm kev khiav tsheb tom tsev mus rau tom chaw ua haujlwm yog yuav pab rau cov neeg nyob hauv Minneapolis lossis St. Paul uas ua haujlwm rau tom cov zos nyob deb nroog. Ntau txoj haujlwm raug hais kom txhim kho txog ntau feem.

Kev Tshuaj Ntsuam Xyuas Cov Qauv

Ib cheeb tsam txoj cai tswjfwam txheeb xyuas txog kev tshuaj ntsuam xyuas peb yam qauv tseem ceeb rau feem kev txhim kho kev khiav tsheb npav mus los. Cov qauv tshuaj ntsuam xyuas no yuav npaj ua kom tsheb npav khiav mus los ntau ntxiv, ua kom pej xeeb sawd daws tau txais kev saib xyuas ncaj ncees thiab ua kom txhua qhov chaw muaj nqi ib yam.

Cov qauv ua kom muaj ntau ntxiv yuav ua rau pom txog kev txhim kho kev khiav tsheb mus los ntawm cov neeg caij tsheb raws li kev siv av thiab qhov neeg nyob ntau-tsawg. Tus qauv no yog saib raws cov neeg thiab cov haujlwm, qhov muaj Haujlwm Ua Ntau-Tsawg raws li tau txheeb xyuas rau hauv Thrive MSP 2040, cov neeg caij tsheb hauv lub sijhawm ib xuj-moos (teev), cov nyiaj pab rau tus neeg caij tsheb thiab qhov ntau tsawg ntawm cov kev sib tshuam. Qhov ua tau cov qauv zoo yog sawv cev 50 feem pua ntawm tag nrho txhua qhov chaw ntawm qhov txheeb txheem tshuaj ntsuam xyuas no.

Cov qauv ncaj ncees rau sawd daws no yuav tshuaj ntsuam xyuas txog tej kev txhim kho uas yuav pab rau cov neeg khiav tsheb mus los tau zoo npaum licas. Cov qauv no siv rau cov haujlwm ua uas tau nyiaj tsawg dua \$40,000 hauv ib lub xyoos puag ncig, cov tsheb piv rau cov neeg uas muaj hnub nyoog 16 xyoo thiab tshaj rod saud, thiab cov kev pab rau cov neeg uas khwv tau nyiaj tsawg, cov neeg cev nqaij daim tawv txawv xim, thiab cov neeg xiam oob qhab. Cov qauv ncaj ncees yuav muaj li 25 feem pua ntawm qhov kev tshuaj ntsuam xyuas.

Yuav teeb tsa cov qauv sib txuas mus los seb cov kev txhim kho no yuav ua rau Metro Transit muaj kev sib txuas mus los thoob plaws rau txhua qhov chaw tau zoo licas. Cov qauv no yog cov kev sib tshuam hla mus los, cov neeg tau khiav tsheb mus los ntawm txoj kev tshiab lossis kev kho txoj kev kom dav, cov chaw tseem ceeb yuav mus, Cov Chaw Saib Xyuas Feem Kev Kawm Ntawv tau pab txheeb xyuas txog feem Thrive MSP 2040 thiab thaum neeg tsis taug kev ntau, lub sijhawm pabcuam thiab/lossis kev txhim kho txog qhov khiav tsheb tom tsev mus rau tom chaw ua haujlwm. Cov qauv sib txuas mus los no yog sawv cev 25 feem pua ntawm qhov kev tshuaj ntsuam no.

Table 1 hais txog cov qauv tshuaj ntsuam, thiab hais txog kev xam txhua yam qauv tau los licas, kev muab qhab-nia thaum xub thawj thiab qhov hnyav ntawm kev ntsuas txhua zaus.

Qhov Kuaj Tau Los Xub Thawj

Daim Qauv SIP nthuav qhia txog qhov tau los ntawm kev kuaj xyuas kev txhim kho 165 qhov chaw khiav tsheb npav mus los hauv thaj chaw ntawm Metro Transit. Raws li qhov tshuaj ntsuam tau los no, txhua qhov uas tau hais kom txhim kho muaj yam tseem ceeb heev, nruab nrab lossis tsis tseem ceeb. 75 feem pua ntawm qhov chaw raug hais kom kho yog tseem ceeb heev; 55 feem pua tseem ceeb nruab nrab. Qhov kuaj tau los xub thawj txheeb xyuas pom tias muaj 41 txoj haujlwm tseem ceeb heev thiab 81 txoj haujlwm tseem ceeb Nruab Nrab, cov no yuav raug npaj kho mus ntxiv raws li qhov muaj nyiaj kho.

Plaub caug peb (43) txoj haujlwm tau qhab-nia qis. Tab si tsis raug hais kom kho rau lub sijhawm no, tej zaum cov haujlwm no yuav raug tshuaj ntsuam xyuas rau yav tom ntej rau xyoo 2040 khwv yees txog cov neeg, cov tsev neeg thiab cov haujlwm uas tau txais los ntawm cov zej zos hauv ib cheeb tsam los ntawm cov kev npaj uas tau kho dua tshiab hauv ib cheeb tsam, lossis kev hais kom txhim kho txog feem kev siv cov av tshiab.

Daim ntawv qhia 1 qhia txog txhua yam ntawm qhov kev txhim kho raws li qhov tseem ceeb heev mus rau qhov tsis tseem ceeb. Table 2 yog piav qhia txog ib txoj haujlwm, suav txog kev piav qhia cov ntsiab lus ntawm txhua txoj haujlwm thiab nws qhov tseem ceeb heev mus rau qhov tsis tseem ceeb tag nrho. Table 3 qhia txog feem nyiaj txiag thiab cov neeg caij tsheb hluav taws xob ntawm txhua txoj haujlwm, qhia txog lub sijhawm nqis tes ua thiab hom txhim kho kev khiav tsheb mus los. Table 4 qhia txog cov qhab-nia losyog qhov ntaus nqi tau los ntawm qhov kev tshuaj ntsuam xyuas ntawm cov neeg.

Cov Ntsiab Lus ntawm Daim Qauv SIP

Ntawm 122 txoj haujlwm uas tau qhab-nia Siab lossis Nruab Nrab thiab yog yam tseem ceeb yuav tau nqis tes ua, 77 txoj haujlwm tau nthuav dav mus rau lwm thaj chaw thiab txhim kho cov chaw sib txuas mus los kom zoo ntxiv, 71 txoj haujlwm yog txhim kho cov kev qub, thiab 62 txoj haujlwm yog feem kev pabcuam uas pib thaum sawv ntxov thiab/lossis ua haujlwm rau yav hmo ntuj. Nws kuj muaj 14 txoj haujlwm txhim kho txog qhov khiav kev mus los tom tsev rau tom chaw ua haujlwm.

Cov kev txhim kho raug npaj ua thoob plaws txhua txoj kev hla mus los raws li hais tseg rau hauv 2040 TPP:

- 50 txoj haujlwm nyob rau cov kev tseem ceeb hauv nroog, uas yog cov kev hauv paus ntawm txhua qhov chaw tsheb npav khiav mus los, ua rau cov neeg tuaj yeem mus los sib cuag tau hauv nroog thiab cov kev hla mus los.
- 33 txoj haujlwm nyob rau cov kev khiav sai ntawm cov neeg khiav kev mus los. Cov neeg khiav kev mus los thiab cov kev khiav sai raug tawm qauv pab rau cov neeg nyob hauv nroog thiab sab nrauv lub nroog kom lawv mus ua haujlwm hauv ib cheeb tsam tau yooj yim, npaj rau lub sijhawm pib thiab tsum ua haujlwm ntawm cov haujlwm feem ntau.
- 27 txoj haujlwm nyob rau cov kev sab nrauv nroog. Cov kev no pab ua kom nkag mus los tau rau cov chaw hla mus los kom loj dav rau ntawm cov chaw muaj kev hla mus los tsawg.
- 14 txoj haujlwm nyob rau cov kev pab txhawb ntxiv rau hauv lub nroog, uas pab ua kom cov chaw hauv lub nroog hla mus los tau rau ntawm txoj kev taug ko taw uas ib txwm tsis txuas mus rau hauv lub plawv nroog tseem ceeb, xws li ib ntawm cov nroog loj. Tau tawm qauv cov kev tsheb npav sib hla mus los hauv lub nroog thiab pab ua kom kev khiav tsheb mus los tau yooj yim.

Kaum ib txoj kev loj tseem ceeb BRT kuj muaj nyob rau hauv Daim Qauv SIP, tabsis tsis raug suav rau hauv 122 txoj haujlwm uas tau tshuaj ntsuam xyuas (kab ntawv A yog yeej muaj nyiaj txaus ua lawm). Daim ntawv qhia 2 qhia txog cov haujlwm nyob hauv Daim Qauv SIP raws li kev hais kom txhim kho thiab Daim Ntawv Qhia 3 nthuav qhia txog cov haujlwm raws li kev faib hom kev.

Feem Nyiaj Txiag Ntawm Daim Qauv SIP

Table 5 qhia txog txoj haujlwm “tseem ceeb heev thiab nruab nrab” nyob hauv Daim Qauv SIP piav qhia txog pob peev nyiaj \$72.3 lab daus las ntxiv hauv txhua lub xyoo kom mus txog rau xyoo 2030, uas pob nyiaj npaj siv rau xyoo 2015 ntawm Metro Transit feem tsheb npav khiav mus los yuav nce siab txog 33 feem pua, thiab txog xyoo 2025 yuav nce siab txog 27 feem pua. Khwv yees tias cov haujlwm no yuav ua rau muaj neeg tshiab caij tsheb ntau txog 16 lab tus neeg, yuav nce siab txog 23 feem pua los ntawm 70 lab neeg ntawm cov tsheb npav khiav mus los hauv xyoo 2014. Qhov kev npaj txhim ua no feem ntau yuav npaj ua rau hauv thawj thawj rau lub xyoo ntawm SIP lub sijhawm ua haujlwm, vim cov haujlwm feem ntau yog nyob rau Zeeg I lossis II. Tus nqi nruab nrab uas pab txhawb rau tus neeg caij tsheb yog \$3.39, qhov no yuav pab tus neeg caij tsheb tau zoo dua \$3.35-\$5.94 yog muab piv rau tus nqi pab yav dhau los ntawm Metro Transit, tus nqi yuav nce raws li hom kev.

Table 5 Feem Nyiaj Txiag Ntawm Daim Qauv SIP

	Daim Qauv SIP	Txoj Kev Loj Tseem Ceeb BRT	Tag Nrho
Tag Nrho Cov Sijhawm Khiav Tsheb Mus Los	640,000	269,500	909,500
Cov Tsheb Npav Muaj Ntxiv	130	26	156
Cov Neeg Tshiab Caij Tsheb	15.8 Lab Leej	12.7 Lab Leej	27.5 Lab Leej
Tag Nrho Cov Nqi (2014\$)	\$72.3 Lab Daus Las	\$30.5 Lab Daus Las	\$102.3 Lab Daus Las
Tag Nrho Cov Nyiaj Pab Txhawb	\$53.6 Lab Daus Las	\$18.8 Lab Daus Las	\$71.4 Lab Daus Las
Cov Nyiaj Pab Txhawb Rau Ib Tug Neeg Caij Tsheb	\$3.39	\$1.48	\$2.60

Cov nqi nqes tes ua nyob hauv lub kab kem saum toj no suav txog cov nqi roj, cov nqi ntiav cov kws lis haujlwm thiab lwm cov neeg ua haujlwm pabcuam nrog tibsi, tabsis tsis suav cov nqi nqis peev tseem ceeb xws li cov nyiaj yuav tsheb lossis ua chaw pab txhawb kev yooj yim rau cov tsheb npav khiav mus los kom muaj kev pabcuam ntau ntxiv. Yuav tsis xam txog cov nqi feem qauv txuag nyiaj ntawm 18 feem pua lossis cov nqi hloov cov haujlwm uas tej zaum pab txhawb ntau ntxiv rau cov kev khiav tsheb mus los xws li Transit Link lossis Motro Mobility. Cov haujlwm uas hais kom khiav tsheb txhua hnuv rau hauv lub zos tam sim no tsuas khiav rau thaum lub sijhawm muaj neeg coob xwb, lossis tsis muaj lawm, thiab cov haujlwm yuav ua rau muaj lub sijhawm khiav tsheb mus los ntau ntxiv, tej zaum yuav cuam tshuam rau feem kev caij tsheb mus los.

Khauj Ruam Tom Ntej

Metro Transit yog tus tswv teeb tsa kom muaj cov lus taw qhia los ntawm sawd daws rau thaum lub sijhawm ua Daim Qauv SIP thaum Lub Kaum Ib Hlis 1-30, 2014. Nws muaj ntau txoj hau kev rau cov neeg caij tsheb, cov koom haum pab txhawb hauv lub zos, cov neeg lis haujlwm raug xaiv thiab lwm cov neeg muaj feem ntsig txog cov haujlwm no yuav tau los kawm txog kev txhim kho tshwj xeeb rau hauv Txoj Kev Npaj no:

- Txoj haujlwm lub website: metrotransit.org/sip
- Cov rooj sib tham ntawm lub zos thiab cov lus taw qhia ntawm cov neeg pej xeem sawd daws: Metro Transit yuav yog tus tswv teeb tsa cov rooj sib tham hauv lub zos tsib zaug thiab teeb tsa lub rooj tawm lus los ntawm cov neeg pej xeem sawd daws ib zaug rau thaum lub Kaum Ib Hlis 5 thiab 18. Lub sijhawm, hnuv thiab thaj chaw yeej muab tso nrog uake.
- Yuav muaj cov ntaub ntawv ntsig txog txoj kev npaj tso rau hauv cov chaw cia ntawv uas tau xaiv, nyob rau hauv You Tube thiab cov xov xwm uas *Muaj Feem Ntsig Txog* (Metro Transit cov neeg qhua cov ntaub ntawv xov xwm), nias qhov tshaj tawm rau qhov xov xwm hauv ib cheeb tsam thiab cov ntaub ntawv qhau-xab-nas nyob saum cov tsheb npav
- Metro Transit Tus Kws Lis Haujlwm Saib Xyuas Feem Tshaj Tawm Rau Zej Zos tabtom tiv toj losyog txuas lus rau cov koom haum pab txhawb hauv zej zos

Nws muaj ntau txoj hau kev tawm cov lus taw qhia rau Daim Qauv SIP: mus koom lub rooj sib tham, faj lus mus rau hauv tus xovtooj 651-602-1500, xa email mus rau sip@metrotransit.org, lossis sau ntawv xa mus rau. Tuaj yeem xa cov lus taw qhia mus rau Metro Transit Service Development, 560 6th Avenue North, Minneapolis, MN 55411. Hnuv kawg ntawm kev tawm cov lus taw qhia yog lub Kaum Ib Hlis 30, 2014.

Cov neeg lis haujlwm yuav saib xyuas Kom Muaj Kev Ncaj Ncees Rau Feem Kev Pabcuam raws li sau tseg rau hauv Qib VI (Title VI). Cov haujlwm tau hais kom txhim kho yuav raug muab coj los saib xyuas dua thiaj li paub meej tias cov neeg txom nyem thiab cov neeg txawv cev nqaij daim tawv tau txais txiaj ntsig los ntawm cov kev txhim kho no sib npaug ib yam nkaus.

Yuav tau kho Daim Qauv SIP raws li cov lus taw qhia uas tau txais los thaum lub sijhawm tso cai muab lus taw qhia. Yuav tau thov kom Lub Chaw Met Council tso cai pom zoo Daim Qauv SIP Zaum Kawg rau lub xyoo xiab 2015. Daim qauv SIP yuav raug kho tshiab txhua txhua 4-5 xyoo raws li kev pauv hloov ntawm cov neeg pej xeem, feem kev txhim kho tshiab thiab feem xav tau kev khiav tsheb mus los.